



UPA 2015/98

12. marts 2015

Tillie Martinussen

Uunga siunnersuut: Siusinaartumik pensionisiat pillugit Inatsisartut inatsisaat nr. xx, xx.xx 2015-imeersoq.

(Ilaqutariinnermut, Naligiissitaanermut Isumaginninnermullu Naalakkersuisoq

(Siullermeernera)

Demokraatini iluarilluinnarparput una siunnersuut aqutugalugu iluarsartuussinissaq aallartinneqarmat. Akisussaaffimmik tigusinitsinnut naalakkersuisoqataalernitsinnullu pissutaanerpaavoq isumaqaratta inuiaqatigiit immikkoortuni arlalinni iluarsartuussivigineqarnissaat pisariaqarluinnartoq. Siusinaartumik pensionisiantut tunngasut taakkununga ilaavoq taamaattumik aamma nuannaarutigaarput, siunnersuut manna ullumi Inatsisartunut saqqummiunneqarmat.

Demokraatini iluarisimaarlugu malugaarput siusinaartumik pensionisialinnik piginnaangorsaasarnerup suliniarfiulernera inuiaqatigiit aningaasarsiornerannut iluaqusijumaartoq. Naatsorsuinerit takutippaat, suliffissaaleqisut ikiliumaartut, akileraarutigut isertitat amerliumaartut ikiorsiissutillu sipaarfigineqarumaartut. Sooruna taakkununga aamma ilanngunneqassaaq inunnut tunngasortaa, tassanilu Demokraatini qularinngilluinnarparput, sulisinnaanngoqqinneq ataasiakkaat inuunerisa imaqarnerulernerannik, imminullu naleqarnerusutut isigilernerannik kinguneqarumaartoq.

Tamatuma saniatigut nuannaarutigaarput ataatsimut isigalugit iluarsartuussinerit nunatsinni aningaasarsiornermut pitsaangorsaaqataasussammata.

Demokraatini siunnersuut ilalerparput innersuullugulu Ilaqutariinnermut Peqqissutsimullu Ataatsimiititaliamut Aningaasaqarnermut Akileraartarnermullu Ataatsimiititaliamut tusarniaanissaq ilanngullugu.